

**Kukkunersiuisut akuerisaasut aamma kukkunersiuinermik  
suliffeqarfiit pillugit inatsisip Kunnqip peqqussutaatigut Kalaallit Nunaannut  
atuutilersinneqarnissaata Namminersorlutik Oqartussanit ilalerneqarnissaa pillugu  
Inatsisartut aalajangiinissaat**

*Inuussutissarsiornermut Niuernermullu Naalackersuisumit saqqummiunneqartoq*

**pillugu**

**Inuussutissarsiornermut Aatsitassanullu Ataatsimiititaliap siunnersuutip  
aappassaaneerneqarneranut**

**ISUMALIUTISSIISUTAA**

Ataatsimiititaliap suliarinninnermini inuttarai:

Inatsisartunut ilaasortaq Karl Tobiassen, Siumut, siulittaasup tullia

Inatsisartunut ilaasortaq Knud Mathiassen, Inuit Ataqtigiit

Inatsisartunut ilaasortaq Harald Bianco, Inuit Ataqtigiit

Inatsisartunut ilaasortaq Lars Poulsen, Siumut

Inatsisartunut ilaasortaq Aqqalu Jerimiassen, Atassut

Inatsisartunut ilaasortaq Emanuel Nûko, Naleraq

Inatsisartunut ilaasortaq Hans Aronsen, Inuit Ataqtigiit

UPA2021-mi marsip ulluisa 23-anni siullermeerinninnerup kingorna siunnersuut  
ataatsimiititaliamit misissorneqarpoq.

**Siunnersuutip imarisai siunertaalu**

Siunnersuut malillugu kukkunersiuisut naalagaaffimmit akuerisaasut kukkunersiuisullu  
nalunaarsorsimasut pillugit maleruagassat nutarterneqassapput.

**Inatsisartuni siunnersuummik siullermeerinninneq**

Siunnersuut siullermeerinninnermi amerlasuunit taparserneqarpoq.

**Tusarniaaneq**

Siunnersuut piffissami decembarip ulluisa qulinganniit januaarip ulluisa qulingannut tusarniaatigineqarsimasoq Naalakkersuisut ilisimatitsipput. Tusarniaanermut tunngatillugu ataatsimiititaliaq allanik ilanngussassaqaanngilaq.

**Ataatsimiititaliap siunnersuummik suliarinninnera**

Kukkunersuisut kukkunersuinermillu suliffeqarfiit pillugit maleruagassat nutarterneqarnissaat, taamatullu nunani tamalaani periutsinut atuuttunut maleruagassat naapertuunnerulernissaat Inatsisartunit iluarisimaarneqarnera ataatsimiititaliap maluginiarpaa.

**Siunnersuutip aningaasaqarnikkut kingunissai**

Inatsisissamut siunnersuut allannguutiniq allaffissornikkut oqilisaassisussanik suliffeqarfinnullu nammagassiisussanik imaqartoq Naalakkersuisut ilisimatitsipput. Kukkunersuinermik suliffeqarfiit piumasaqaatit ullumikkut malereermatigit, assersuutigalugu kukkunersuinermi najoqqutassat nalinginnaasut ullumikkut malinneqareersut malitsigisaannik taamaattumillu allannguutit ilarpassui kukkunersuinermik suliffeqarfinnut kinguneqassanatik.

Oqaatigineqartut malillugit siunnersuutip inuussutissarsiornermut kingunissaanik Naalakkersuisut paasiniaasimanissaat ataatsimiititaliap naatsorsuutigisariaqarpaa, taakkulu ima annikitsigisutut nalilerneqarsimasut taakku sukumiinerusumik kisitsisilersornissaat pisariaqartutut isigineqarsimanani.

**Ataatsimiititaliap inassuteqaatai**

**Ataatsimiititaliap isumaqatigiittup** siunnersuut **akuersissutigineqassasoq** inassutigaa.

Ataatsimiititaliap taama oqaaseqaateqarluni isumaliutissiisummilu allassimasutut paasinnilluni siunnersuut aappassaaniigassanngortippaa.



Karl Tobiassen  
Siulittaasup tullia



Knud Mathiasen



Harald Bianco




Lars Poulsen



Aqqalu Jerimiassen



Emanuel Nûko



Hans Aronsen